

Xitirhwana xa nhlanganelo eKZN xi tshoverile tisigarete leti nga riki enawini na swidzidziharisi swa nakhotiki

Tshwane, 4 Nyenyankulu 2022 - Xitirhwana xa nhlanganelo lexi katsaka vaofisiri va Khasitomo va Vukorhokeri bya Xibalo bya Afrika-Dzonga, Vukorhokeri bya Maphorisa bya Afrika-Dzonga (SAPS) na maphorisa ma Metro va rhangerile eku tekiweni ka ku tlula 2 million wa tisigarete na swidzidziharisi swa nakhotiki eDurban tolo.

Mphutumo wu tekile ndhawu eka vutshamo byinharhu lebyi n'wini ku nga muphakeri wa tisigarete wo tiveka ePhoenix, eDurban. Enkarhini wa musecho, ntsengo wa swirin'hwana wa 2.31 million wa tisigarete leswi nga na nkoka wa kwalomuya ka R3.1-million swi tekiwile. Tisigarete a ti xavisiwa eka nkoka wa le hansi swinene, a swi ri erivaleni leswaku mixakaxibalo ya ekisayizi a yi hakeriwangi. Oditi yo helela yi ta endliwa eka tinhundzu.

Ku na swidzidziharisi swa nakhotiki leswi kumiweke eka tindhawu timbirhi, ku katsa na Mandrax na Mbangi leswi nga na nkoka wa le xitarateni wa kwalomuya wa R10 000. Swidzidziharisi swi yisiwile eka SAPS ku lavisisiwa ku ya emahlweni.

Mhangu leyi yi vumba xiphemu xa xitirhwana lexi yaka emahlweni ku lwa na vahangalasi va tisigarete leti nga riki enawini eka xifundza xa KZN. Xikongomiso xa xitirhwana i ku tiyisisa leswaku tisigarete hinkwato leti xavisiwaka eAfrika-Dzonga ta landzelerisa na leswaku swibalo leswi lulameke swa hakeriwa. SARS yi tekile endlelo ro tiya eku ringeteni ko hunguta vumaki bya fole lebyi nga riki enawini etikweni naswona yi ta ya emahlweni yi endla tioditi ta Khasitomo na Xibalo eka vaxavisi na vahakelaxibalo lava nga landzelerisiki.

Khomixinara wa SARS Edward Kieswetter u vurile, "SARS yi tinyiketerile ku fambisa bindzu no kurisa ikhonomi ya tiko ra hina. Yi ta ya emahlweni yi endla swi olova no pfumala mafundzu eka vaxavisi ku landzelerisa swiboho swa vona swa xinawu hi ku va nyika nhlamuselo na ntiyisiso. Hi ndlela yo ringana, SARS yi le ku akeni ka vuswikoti bya yona ku endla swi nonoha no durha eka vaxavisi lava hlawulaka ku ka va nga landzelerisi. Leswi i ndzemuxo wa leswaku

hi ta lwa hi tsemeka na mavoko ku tiyisisa leswaku lava tinghenelerisaka eka matikhomelo ma vugevenga ku tirhaniwa na vona hi voko ra nsimbhi.

Mayelana na vuxokoxoko byo tala u komberiwa ku tihlanganisa na SARSMedia@sars.gov.za